



სსიპ საქართველოს ადვოკატთა ასოციაციის
აღმასრულებელი საბჭოს
სხდომის ოქმი

სხდომის თარიღი: 16 თებერვალი, 2023

ადგილმდებარეობა: თბილისი, თინათინ ვირსალაძის I ჩიხი, N1

სხდომაზე მონაწილე აღმასრულებელი საბჭოს წევრები: დავით ასათიანი (თავმჯდომარე), როინ მიგრიაული, ნათია კორკოტაძე, ია გაბედავა, თორნიკე ბაქრაძე, ტარიელ კაკაბაძე, ინგა სეხნიაშვილი.

საკითხი 1. ასოციაციაში გაწევრიანება.

წევრები გაეცნენ:

(ა) ბექა კაჭარავას და დავით დანგაძის განცხადებებს გაწევრიანების შესახებ.

წევრებს მიეწოდათ ინფორმაცია, რომ განმცხადებლებს წარმოდგენილი ჰქონდათ „ადვოკატთა შესახებ“ საქართველოს კანონის მე-10 მუხლის, 1-ლი პუნქტის „გ“ ქვეპუნქტის თანახმად, პროფესიული ადაპტაციის პროგრამის სრული, ერთწლიანი კურსის გავლის დამადასტურებელი სერტიფიკატი და გაწევრიანებისთვის საჭირო ყველა დოკუმენტი. შესაბამისად, მათ მიერ წარმოდგენილი განცხადებები თანდართული დოკუმენტებითურთ სრულად აკმაყოფილებს „ადვოკატთა შესახებ“ საქართველოს კანონის მე-10 მუხლის მოთხოვნებს.

წევრები გაეცნენ წარმოდგენილ განცხადებებს და დოკუმენტებს. აღნიშნულ საკითხზე ერთხმად იქნა მიღებული გადაწყვეტილება: დაკმაყოფილდეს ბექა კაჭარავას და დავით

დანგაძის მიერ წარმოდგენილი განცხადებები ადვოკატთა ასოციაციაში გაწვევრიანების თაობაზე.

(ბ) დავით სიმონიას განცხადებას გაწვევრიანების შესახებ.

წევრებს მიეწოდათ ინფორმაცია, რომ განმცხადებელს წარმოდგენილი აქვს „ადვოკატთა შესახებ“ საქართველოს კანონის მე-10 მუხლის, მე-4 პუნქტის თანახმად, პროფესიული ადაპტაციის პროგრამის 3-თვიანი თეორიული კურსის გავლის დამადასტურებელი ცნობა და გაწვევრიანებისთვის საჭირო ყველა დოკუმენტი.

შესაბამისად, განმცხადებლების მიერ წარმოდგენილი განცხადებები თანდართული დოკუმენტებითურთ აკმაყოფილებს „ადვოკატთა შესახებ“ საქართველოს კანონის მე-10 მუხლის მოთხოვნებს.

წევრები გაეცნენ წარმოდგენილ განცხადებას და თანდართულ დოკუმენტებს. აღნიშნულ საკითხზე ერთხმად მიღებულ იქნა გადაწყვეტილება: დაკმაყოფილდეს დავით სიმონიას განცხადება ასოციაციაში გაწვევრიანების შესახებ.

საკითხი 2. ასოციაციაში ხელახალი გაწვევრიანება.

წევრები გაეცნენ:

ბადრი შარაძის, ირაკლი მიხელიძის, ბესიკ ჩადუნელის, ჟანა ბელქანიას, დალი დუმბაძის, ირმა პავლიაშვილის და ჟულიეტა ლომიას განცხადებებს ასოციაციაში ხელახალი გაწვევრიანების თაობაზე.

წევრებს მიეწოდათ ინფორმაცია, რომ აღნიშნული პირების მიერ წარმოდგენილ განცხადებებს თან ერთვის ყველა საჭირო დოკუმენტი და შესაბამისობაშია „ადვოკატთა შესახებ“ საქართველოს კანონის მე-10 მუხლის მოთხოვნებთან.

აღნიშნულ საკითხზე ერთხმად მიღებული იქნა გადაწყვეტილება: „ადვოკატთა შესახებ“ საქართველოს კანონის მე-10 მუხლის თანახმად, დაკმაყოფილდეს ბადრი შარაძის, ირაკლი მიხელიძის, ბესიკ ჩადუნელის, ჟანა ბელქანიას, დალი დუმბაძის, ირმა პავლიაშვილის და ჟულიეტა ლომიას მიერ წარმოდგენილი განცხადებები ასოციაციაში ხელახლა გაწვევრიანების თაობაზე.

საკითხი 3. წევრობის შეჩერების შესახებ განცხადების განხილვა.

წევრები გაეცნენ **2023 წლის საწევრო დავალიანების მქონე წევრების** - მადონა მინძიბაძის, ეკატერინე ციმაკურიძის, მაგდა ჯიჯელავას, თამარი გოგიას, თათია ქოქოლაძის, ჯუმბერ ქათამაძის, სალომე ბუხრიკიძის, ანა ბერუაშვილის, გვანცა თედიაშვილის, ნინო ბაინდურაშვილის, ნოდარ ჭიკაძის, მარიამ ბუდალაშვილის, თამარ ენუქიძის (10179, ხატია ცეცხლაძის, ნინო გვარამაძის, სალომე ბუხნიკაშვილის, თამარ მესხიას, თამარ კორძაიას და ნინო დოლიძის (სიითი N10211) განცხადებებს “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად წევრობის შეჩერების შესახებ.

წევრებმა განაცხადეს, რომ ჩამოთვლილ პირთაგან, რომელთაც ასოციაციის წესდების 29-ე მუხლის, 29.3 პუნქტის თანახმად, 2023 წლის საწევრო აქვთ გადასახდელი, ეცნობოთ, რომ “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად, აღმასრულებელი საბჭო ვალდებულია მიიღოს გადაწყვეტილება ადვოკატისთვის წევრობის შეჩერების შესახებ. თუმცა წევრობის შეჩერება მანამდე არსებული დავალიანების გაუქმების საფუძველი არ არის და ამავე კანონის 21³ მუხლის პირველი პუნქტის, “ზ” ქვეპუნქტის თანახმად, საწევრო გადასახადის გადაუხდელობის შემთხვევაში, პირს შეუწყდება ასოციაციის წევრობა. გარდა ამისა, აღნიშნულ საკითხთან დაკავშირებით, არსებობს 2012 წლის 30 მაისის ადვოკატთა ასოციაციის აღმასრულებელი საბჭოს გადაწყვეტილება, რომლის თანახმად: “საწევრო დავალიანების მქონე პირს, რომელიც მომართავს ასოციაციას პირადი განცხადებით, წევრობის შეჩერების შესახებ, „ადვოკატთა შესახებ“ საქართველოს კანონის, 21² მუხლის, 1-ლი პუნქტის (ადვოკატს ადვოკატთა ასოციაციის წევრობა შეუჩერდება ამ კანონის 21³ მუხლის მე-2 პუნქტით დადგენილი წესით, ასოციაციის აღმასრულებელი საბჭოს გადაწყვეტილებით), „ა“ ქვეპუნქტის (პირადი განცხადების საფუძველზე) თანახმად, დაუკმაყოფილდეს განცხადება წევრობის შეჩერების შესახებ; თუმცა წევრობის შეჩერება არ გახდება უკვე არსებული საწევრო დავალიანებისგან გათავისუფლების საფუძველი, რომლის გადახდის ვალდებულება პირს წევრობის შეჩერებამდე, ადვოკატთა ასოციაციის წესდების 29-ე მუხლის, 29.3 პუნქტის (ყოველი მომდევნო წლის საწევრო შენატანის გადახდა ხდება ყოვეწლიურად, მიმდინარე წლის 31 დეკემბრამდე) თანახმად წარმოეშვა. საწევრო დავალიანების გადაუხდელობის შემთხვევაში, უფლებამოსილება შეჩერებულ ადვოკატს, “ადვოკატთა შესახებ” საქართველოს კანონის, 21³ მუხლის, პირველი პუნქტის (ადვოკატს ადვოკატთა ასოციაციის წევრობა შეუწყდება), „ზ“ ქვეპუნქტის (თუ არ იხდის საწევრო გადასახადს) თანახმად, შეუწყდება ასოციაციის წევრობა“.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: “ადვოკატთა შესახებ” საქართველოს კანონის, 21² მუხლის, 1-ლი პუნქტის, „ა“ ქვეპუნქტის თანახმად, დაკმაყოფილდეს 2023 წლის საწევრო დავალიანების მქონე წევრების - მადონა ძინძიბაძის, ეკატერინე ციმაკურიძის, მაგდა ჯიჯელავას, თამარი გოგოას, თათია ქოქოლაძის, ჯუმბერ ქათამაძის, სალომე ბუხრიკიძის, ანნა ბერუაშვილის, გვანცა თედიაშვილის, ნინო ბაინდურაშვილის, ნოდარ ჭიკაძის, მარიამ ბუდალაშვილის, თამარ ენუქიძის, ხატია ცეცხლაძის, ნინო გვარამაძის, სალომე ბუხნიკაშვილის, თამარ მესხიას, თამარ კორძაიას და ნინო დოლიძის (სიითი N10211) განცხადებები წევრობის შეჩერების შესახებ. ამასთან, 2023 წლის საწევრო დავალიანების მქონე პირებს ეცნობოთ ინფორმაცია მათ მიმართ არსებული საწევრო დავალიანების და 2012 წლის 30 მაისის აღმასრულებელი საბჭოს გადაწყვეტილების შესახებ, აგრეთვე ეცნობოთ იმის შესახებ, რომ დავალიანების გადაუხდელობის შემთხვევაში მათ შეუწყდებათ ასოციაციის წევრობა.

საკითხი 4. 2023 წლის საწევრო დავალიანების მქონე წევრთა მიმართ ინდივიდუალური ადმინისტრაციულ-სამართლებრივი აქტის გამოცემის მიზნით ადმინისტრაციული წარმოების დაწყებაზე საკითხის განხილვა.

წევრებმა მოისმინეს ინფორმაცია, რომ 2023 წლის 16 თებერვლის მდგომარეობით, ასოციაციის 1743 წევრს უფიქსირდება 2023 წლის საწევრო დავალიანება. თავმჯდომარემ განაცხადა, რომ ასოციაციის შემოსავლების ძირითად წყაროს საწევრო შენატანები წარმოადგენს, რაც მნიშვნელოვანია ორგანიზაციის ფინანსური მდგრადობის შენარჩუნებისა და ასოციაციის ყველა მიმართულების შეუფერხებელი საქმიანობისთვის. ამდენად, მიზანშეწონილია 2023 წლის საწევრო დავალიანების მქონე წევრთა მიმართ ადმინისტრაციული წარმოების დაწყება.

წევრებს ასევე მიეწოდათ ინფორმაცია მასზედ, რომ აღმასრულებელი საბჭოს 2022 წლის 17 ნოემბრის სხდომაზე არ იქნა მიღებული გადაწყვეტილება 2022 წლის 31 ოქტომბრამდე გადავადებული 2021-2022 წლების საწევრო დავალიანების მქონე წევრების მიმართ ინდივიდუალური ადმინისტრაციულ-სამართლებრივი აქტის გამოცემის თაობაზე. აქედან გამომდინარე, თავმჯდომარემ აღნიშნა, რომ მიზანშეწონილია, ადმინისტრაციული წარმოება დაიწყოს ასევე 2022 წლის 31 მარტის აღმასრულებელი საბჭოს გადაწყვეტილების თანახმად 2022 წლის 31 ოქტომბრამდე გადავადებული 2021-2022 წლების საწევრო დავალიანების მქონე წევრების მიმართ.

მსჯელობის შედეგად, აღნიშნული საკითხი დადგა ღია კენჭისყრაზე. ღია კენჭისყრის შედეგად ერთხმად იქნა მიღებული გადაწყვეტილება:

(ა) 2023 წლის 16 თებერვლიდან დაიწყო ადმინისტრაციული წარმოება 2023 წლის საწევრო დავალიანების მქონე წევრთა მიმართ ინდივიდუალური ადმინისტრაციულ-სამართლებრივი აქტის გამოცემის მიზნით;

(ბ) 2023 წლის 16 თებერვლიდან დაიწყო ადმინისტრაციული წარმოება 2022 წლის 31 ოქტომბრამდე გადავადებული 2021-2022 წლების საწევრო დავალიანების მქონე წევრთა მიმართ ინდივიდუალური ადმინისტრაციულ-სამართლებრივი აქტის გამოცემის მიზნით;

(გ) საქართველოს ზოგადი ადმინისტრაციული კოდექსის შესაბამისად, განისაზღვროს ადმინისტრაციული ორგანო, რომელშიც მიმდინარეობს ადმინისტრაციული წარმოება: სსიპ საქართველოს ადვოკატთა ასოციაცია, ფაქტობრივი მისამართი: თბილისი, თინათინ ვირსალაძის I ჩიხი, N1;

(დ) საქართველოს ზოგადი ადმინისტრაციული კოდექსის მე-100 მუხლის, მე-3 პუნქტის თანახმად, ადმინისტრაციული წარმოების დაწყების თარიღად განისაზღვროს 2023 წლის 16 თებერვალი და ინდივიდუალური ადმინისტრაციულ-სამართლებრივი აქტის გამოცემის ვადად განისაზღვროს ადმინისტრაციული წარმოების დაწყებიდან 21 (ოცდაერთი) კალენდარული დღე;

(ე) ადმინისტრაციული წარმოების საგანი - “ადვოკატთა შესახებ” საქართველოს კანონის 21³ მუხლის პირველი პუნქტის „ზ“ ქვეპუნქტის თანახმად, 2023 წლის და 2022 წლის 31 ოქტომბრამდე გადავადებული 2021-2022 წლების საწევრო დავალიანების მქონე წევრთა გამოვლენა და წევრობის შეწყვეტის თაობაზე ინდივიდუალური ადმინისტრაციულ-სამართლებრივი აქტის გამოცემა;

(ვ) ვინაიდან, ინდივიდუალური ადმინისტრაციულ-სამართლებრივი აქტი ეხება 50-ზე მეტ პირს, ადმინისტრაციულ წარმოებაში მონაწილე ასოციაციის წევრთა სია, რომელთაც აქვთ საწევრო დავალიანება, საქართველოს ზოგადი ადმინისტრაციული კოდექსის 55-ე და 56-ე მუხლების თანახმად გამოცხადდეს საჯაროდ. ადმინისტრაციულ წარმოებაში მონაწილე, საწევრო დავალიანების მქონე ასოციაციის წევრთა სია, ადმინისტრაციული წარმოების დასრულებამდე, განთავსდეს ადვოკატთა ასოციაციის ოფიციალურ ვებ-გვერდზე www.gba.ge და ამასთან, საწევრო დავალიანების მქონე ადვოკატებს გაეგზავნოთ მოკლე ტექსტური შეტყობინებები ადმინისტრაციული წარმოების დაწყების თაობაზე, მათ მიერ ასოციაციაში წარმოდგენილ მობილური ტელეფონის ნომრებზე.

(ზ) საქართველოს ზოგადი ადმინისტრაციული კოდექსის 116-ე მუხლის, მე-2 პუნქტის, “დ” ქვეპუნქტის და საქართველოს ზოგადი ადმინისტრაციული კოდექსის 118-ე მუხლის, 1-ლი პუნქტის თანახმად, დაინტერესებულ პირთა მოსაზრებების წარდგენის ბოლო ვადად განისაზღვროს 2023 წლის 9 მარტი.

(თ) ადვოკატთა ასოციაციის აღმასრულებელი საბჭოს გადაწყვეტილების საფუძველზე, საქართველოს ზოგადი ადმინისტრაციული კოდექსის მე-100 მუხლის მე-3 პუნქტის თანახმად,

ინდივიდუალური ადმინისტრაციულ-სამართლებრივი აქტის გამოცემის ვადად განისაზღვროს 2023 წლის 9 მარტი.

(ი) წინამდებარე გადაწყვეტილების „ვ“ პუნქტის თანახმად, სასწევრო დავალიანების მქონე წევრთა სიის გამოქვეყნებამდე, ასოციაციის ფინანსურ მენეჯერს დაევალოს აღნიშნული სიის დაზუსტება.

საკითხი 5. სსიპ იურიდიული დახმარების სამსახურის საბჭოს შემადგენლობაში ადვოკატთა ასოციაციის კანდიდატურის წარდგინების საკითხის განხილვა.

თავმჯდომარემ წევრებს მიაწოდა ინფორმაცია 2023 წლის 31 იანვარს გამოცხადებული ღია კონკურსის შესახებ, რომელიც შეეხებოდა „ადვოკატთა შესახებ“ საქართველოს კანონის 26¹ მუხლისა და „იურიდიული დახმარების შესახებ“ საქართველოს კანონის მე-10 მუხლის და 23² მუხლების შესაბამისად, საქართველოს ადვოკატთა ასოციაციის მიერ, იურიდიული დახმარების საბჭოს შემადგენლობაში ადვოკატთა ასოციაციიდან წარსადგენი 1 წევრის შერჩევას.

ასოციაციის მიერ, ოფიციალური ვებ-გვერდის საშუალებით (www.gba.ge), იურიდიული დახმარების საბჭოს შემადგენლობაში წარსადგენი 1 (ერთი) წევრის შესარჩევად გამოცხადდა ღია კონკურსი. კონკურსში მონაწილეობის მიზნით, განაცხადების მიღება მიმდინარეობდა 2023 წლის 09 თებერვლის 17:00 საათამდე. თავმჯდომარემ წევრებს მიაწოდა ინფორმაცია, რომ კონკურსში მონაწილეობის სურვილი გამოთქვა ერთმა პირმა - ადვოკატმა თორნიკე ბაქრაძემ, რომლებმაც კონკურსით გათვალისწინებულ ვადაში წარმოადგინა საკონკურსო პირობებით გათვალისწინებული ყველა სავალდებულო დოკუმენტაცია.

„იურიდიული დახმარების შესახებ“ საქართველოს კანონის მე-10 მუხლის 21 პუნქტის შესაბამისად, იურიდიული დახმარების საბჭოს წევრად ადვოკატთა ასოციაციის მიერ უნდა შეირჩეს მაღალი რეპუტაციის მქონე ადვოკატი, რომელსაც აქვს საადვოკატო საქმიანობის არანაკლებ 5 წლის გამოცდილება. თავმჯდომარემ განმარტა, რომ წარმოდგენილი დოკუმენტაციის მიხედვით, ადვოკატი თორნიკე ბაქრაძე აკმაყოფილებს კანონით დადგენილ მოთხოვნებს და საბჭო უფლებამოსილია იმსჯელოს იურიდიული დახმარების საბჭოს შემადგენლობაში წარსადგენი 1 (ერთი) წევრის არჩევის საკითხთან დაკავშირებით.

საბჭოს წევრები გაეცნენ კანდიდატის მიერ წარმოდგენილ დოკუმენტაციას და კანდიდატს დაუსვეს კითხვები შესაბამისი ინფორმაციის მიღების მიზნით.

აღნიშნულ საკითხზე, თავმჯდომარემ ღია კენჭისყრაზე დააყენა წარმოდგენილი კანდიდატურის განხილვის საკითხი. კენჭისყრის შედეგად, ერთხმად, მიღებულ იქნა გადაწყვეტილება (კენჭისყრაში მონაწილეობა არ მიუღია თორნიკე ბაქრაძეს):

კანონმდებლობით დადგენილი საკვალიფიკაციო მოთხოვნების გათვალისწინებით, საქართველოს ადვოკატთა ასოციაციის მიერ იურიდიული დახმარების საბჭოს წევრად, 3 წლის ვადით, არჩეულ იქნეს ადვოკატთა ასოციაციის წევრი თორნიკე ბაქრაძე (სიითი N2504).

საკითხი 6. სხვადასხვა

წევრები გაეცნენ:

(ა) საწევრო დავალიანების გადავადების შესახებ განცხადებებს.

წევრები გაეცნენ ნინო ჩიმაკაძის, ვლადიმერ კიკნაძის, მარიამ სანებლიძის, ნიკოლოზ ზაქარაიას, თამარ ტატანაშვილის, ანა ყარასაშვილის, სოფიო ჩიხაშვილის, თამარ სანიკიძის, მაგული ლიპარტელიანის, მანანა აფხაძის, თინათინ მჭედლიშვილი, გიგა კოლუას და ირაკლი შელიას საწევრო დავალიანების გადავადების შესახებ განცხადებებს. თავმჯდომარემ წევრებს შესთავაზა, რომ წარმოდგენილი განცხადებების განხილვა გადაიდოს და განხილულ იქნეს ადმინისტრაციული წარმოების მიმდინარეობისას.

აღნიშნულ საკითხზე ღია კენჭისყრის შედეგად, ერთხმად, იქნა მიღებული გადაწყვეტილება: საწევრო დავალიანების გადავადების შესახებ განცხადებების განხილვა გადაიდოს იმ სხდომაზე, სადაც განხილულ იქნება ადმინისტრაციული წარმოება და განისაზღვრება შესაბამისი გადახდის ვადები.

(ბ) ირაკლი ზაქარაიძის განცხადებას.

აღმასრულებელი საბჭოს 7 დეკემბრის სხდომაზე განხილულ იქნა ირაკლი ზაქარაიძის განცხადება, ხელახლა გაწევრიანების მოთხოვნით. ამავე გადაწყვეტილებით ირაკლი ზაქარაიძეს დაევალა ნასამართლობის შესახებ ცნობის წარმოდგენა, რის შემდგომაც განახლდებოდა წარმოდგენილი განცხადების განხილვა.

ირაკლი ზაქარაიძემ წარმოადგინა ნასამართლობის შესახებ ცნობა. რის შემდგომაც, აღმასრულებელი საბჭოს 2023 წლის 30 იანვრის გადაწყვეტილებით ირაკლი ზაქარაიძეს დაევალა საწევრო დავალიანების გადახდის დამადასტურებელი ქვითრის წარმოდგენა.

წევრებმა განაცხადეს, რომ ირაკლი ზაქარაიძის წევრობის აღდგენის (ხელახლა გაწევრიანების) საკითხის სრულფასოვნად შესწავლის მიზნით, საკითხის განხილვა უნდა გადაიდოს შემდეგ სხდომაზე.

აღნიშნულ საკითხზე ღია კენჭისყრის შედეგად, ერთხმად, იქნა მიღებული გადაწყვეტილება:

1. ირაკლი ზაქარიაძის წევრობის აღდგენის (ხელახლა გაწევრიანების) განცხადების განხილვა გადაიდოს შემდეგ სხდომაზე.
2. განმცხადებელს ეცნობოს მიღებული გადაწყვეტილების შესახებ.

(გ) თეა პატაშურის განცხადებას.

თეა პატაშური ადვოკატთა ასოციაციის წევრია 2013 წლიდან დღემდე. განმცხადებლის განმარტებით, იგი ადვოკატთა ასოციაციაში გაწევრიანების დღიდან საადვოკატო საქმიანობას ანხორციელებს დუშეთის რაიონში, შესაბამისად მას უნდა გადაეხადა საწევრო 50%-იანი საწევრო შეღავათით, ყოველწლიურად 100 (ასი) ლარის ოდენობით.

განცხადებით მოთხოვნილია საწევრო შეღავათის გავრცელება 2013 წლიდან დღემდე და გადახდილი საწევრო - 200 (ორასი) ლარის გადანაწილება შემდეგ წლებზე და საწევროს გადასახადის გადახდილად ჩათვლა 2032 წლის ჩათვლით.

წევრებმა განაცხადეს, რომ აღმასრულებელი საბჭოს 2019 წლის 31 იანვარის გადაწყვეტილებით ცვლილება შევიდა ასოციაციის აღმასრულებელი საბჭოს 2006 წლის 1-ლი თებერვლის, 2007 წლის 31 მაისის, 2010 წლის 19 მაისის, 2010 წლის 28 სექტემბრის გადაწყვეტილებებში და განისაზღვრა ასოციაციის იმ წევრების შერჩევის ერთიანი კრიტერიუმები, რომლის საფუძველზეც ადვოკატები ისარგებლებენ საწევრო შეღავათებით, შესაბამისად თეა პატაშურის განცხადება ექვემდებარება ნაწილობრივ დაკმაყოფილებას.

აღნიშნულ საკითხზე ღია კენჭისყრის შედეგად, ერთხმად, იქნა მიღებული გადაწყვეტილება:

1. ნაწილობრივ დაკმაყოფილდეს თეა პატაშურის განცხადება და განმცხადებელს 2027 წლის ჩათვლით საწევრო შენატანი ჩაეთვალოს გადახდილად.
2. განმცხადებელს ეცნობოს მიღებული გადაწყვეტილების თაობაზე.
3. მიღებული გადაწყვეტილების ასახვა დაევალოს ფინანსურ მენეჯერს.

აღმასრულებელი საბჭოს სხდომა გამოცხადდა დასრულებულად.

წინამდებარე აქტი და მასში ასახული გადაწყვეტილებები ძალაში შედის ხელმოწერისთანავე. წინამდებარე აქტი გამოქვეყნდეს სსიპ საქართველოს ადვოკატთა ასოციაციის ოფიციალურ ვებ-გვერდზე, მისამართი: www.gba.ge.

წინამდებარე აქტი და მასში ასახული გადაწყვეტილებები შეიძლება გასაჩივრდეს მისი გამოქვეყნების დღიდან ერთი თვის ვადაში თბილისის საქალაქო სასამართლოში (მისამართი: ქალაქი თბილისი, დავით აღმაშენებლის ხეივანი N64).

დავით ასათიანი

თავმჯდომარე